

S A D R Ź A J B R O J A 4/09

Akti Općinskog vijeća

1. Odluka o dopuni Odluke o komunalnim djelatnostima
2. Odluka o izmjenama i dopunama odluke o finansiranju parlamentarnih grupa
3. Odluka o raspisivanju javnog konkursa za dodjelu neizgrađenog građevinskog zemljišta u državnom vlasništvu radi građenja br :02-02-1-608/09
4. Odluka o raspisivanju javnog konkursa za dodjelu neizgrađenog građevinskog zemljišta u državnom vlasništvu radi građenja br :02-02-1-621/09
5. Odluka o davanju u zakup stanova na kojima pravo raspolaganja ima Općina Lukavac
6. Odluka o izradi strategije za mlade općine Lukavac
7. Odluka o dopuni odluke o administrativnim taksama i tarifi administrativnih taksi
8. Odluka o gubitku statusa javnog dobra u općoj upotrebi
9. Rješenje o utvrđivanju javnog interesa za izmiještanje dijela dionice 35KW dalekovoda TS 35/6 KW Šikulje 2 –TS35/10/6KW Delića Potok
10. Rješenje o imenovanju članova Etičkog odbora
11. Rješenje o imenovanju članova Komisije za procjenu vrijednosti nepokretnosti i prava
12. Rješenje o imenovanju članova Upravnog odbora JP Veterinarska stanica Lukavac
13. Rješenje o imenovanju članova Upravnog odbora JU Centar za socijalni rad
14. Rješenje o razrješenju člana Komisije za Statut, propise, predstavke i zaštitu prava i sloboda
15. Rješenje o imenovanju člana Komisije za Statut, propise, predstavke i zaštitu prava i sloboda
16. Rješenje o imenovanju članova Upravnog odbora JZU Dom zdravlja Lukavac

Akti Općinskog načelnika

1. Odluka o izmjenama i dopunama odluke o utvrđivanju visine naknade plaće uposlenika za vrijeme čekanja posla
2. Rješenje o imenovanju savjetnika načelnika općine Lukavac
3. Rješenje o imenovanju Komisije za izbor općinskog pravobranioca



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-1-600/09
Lukavac, 04.05.2009. godine

Na osnovu člana 44. stav 2. Zakona o komunalnim djelatnostima („Službene novine TK“, broj: 11/05 i 7/07) i člana 105. Statuta općine Lukavac („Službeni glasnik općine Lukavac“, broj: 5/08 – prečišćeni tekst), Općinsko vijeće Lukavac, na 8. redovnoj sjednici održanoj dana 30.04.2009. godine, donijelo je

O D L U K U
o dopuni Odluke o komunalnim djelatnostima

Član 1.

U članu 15. Odluke o komunalnim djelatnostima („Službeni glasnik Općine Lukavac“, broj: 1/07), dodaje se stav 2. i glasi:

„Komunalne djelatnosti iz stava 1. tačka 1. ovog člana obavljaju se na osnovu Programa održavanja čistoće i javnih površina, koji na prijedlog općinske službe nadležne za komunalne poslove usvaja Općinsko vijeće Lukavac.“

Član 2.

Ova Odluka stupa na snagu danom objavljivanja u „Službenom glasniku općine Lukavac“.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-1-617/09
Lukavac, 04.05.2009.

Na osnovu člana 105. Statuta općine Lukavac - prečišćeni tekst („Službeni glasnik općine Lukavac“, broj: 5/08) i člana 10. Zakona o finansiranju političkih partija („Službeni glasnik BiH“, broj: 22/00) Općinsko vijeće Lukavac na 8. redovnoj sjednici održanoj dana 30.04.2009.godine, donijelo je

O D L U K U
o izmjenama Odluke o finansiranju parlamentarnih grupa

Član 1.

U Odluci o finansiranju parlamentarnih grupa za 2009.godinu („Službeni glasnik općine Lukavac“, broj: 1/09), u Članu 2. stav 1. alineji 3 broj „3.000,00 KM“ zamjenjuje se brojem „500,00 KM“.

U istom stavu člana 2 dodaje se alineja 6. koja glasi:

„Klub vijećnika SNSD-a i BPS-a- Sefer Halilović 2.500,00KM“.

U članu 2. stavu 2. alineji 3 Odluke, broj „2.333,33 KM“ zamjenjuje se brojem „388,90 KM“.

U istom stavu člana 2 dodaje se alineja 6. koja glasi:

„Klub vijećnika SNSD-a i BPS-a- Sefer Halilović 1.944,43KM“.

Član 2.

Ova odluka stupa na snagu danom objavljivanja u „Službenom glasniku općine Lukavac“.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-1-608/09
Lukavac, 04.05.2009. godine

Na osnovu člana 6. Odluke o uslovima i načinu dodjele građevinskog zemljišta u državnom vlasništvu („Službeni glasnik Općine Lukavac“, broj: 2/04, 4/05, 7/05, 8/05 i 5/06) i člana 105. Statuta Općine Lukavac-prečišćeni tekst („Službeni glasnik Općine Lukavac“, broj: 5/08 – prečišćeni tekst), Općinsko vijeće Lukavac na 8. redovnoj sjednici održanoj dana 30.04.2009. godine, d o n i j e l o j e

O D L U K U

o raspisivanju Javnog konkursa za dodjelu neizgrađenog građevinskog zemljišta u državnom vlasništvu radi građenja

Član 1.

Utvrđuje se potreba raspisivanja Javnog konkursa za dodjelu neizgrađenog gradskog građevinskog zemljišta na korištenje radi građenja stambeno-poslovnih objekata na nekretninama označenim kao:

- k.č. br. 4273 zv. „Polja“ livada 2.klase u površini od 30.000 m² upisane u pl.br.330 k.o. Lukavac u posjedu Skupštine opštine Lukavac sa 1/1 (novi premjer), a što po starom premjeru čini nekretnine označene kao k.č.br.551/1 oranica Utrina“ u površini od 18.370 m² upisane u zk.ul.br.2717 k.o.Lukavac društvena svojina 1/1 uknjiženo pravo korištenja na nekretnini u „A“ listu u korist općine Lukavac sa 1/1, k.č. br. 567/1 oranica Grahovište u površini od 7.100 m² upisana u zk. ul. br. 946 k.o. Lukavac društvena svojina 1/1 organ upravljanja SO-e Lukavac, kč.br. 550/4 oranica Utrina u površini od 4.250 m² i k.č. br. 568/2 oranica Grahovište-krčevina u površini od 280 m² obje upisane u zk. ul. br. 1774 k.o. Lukavac opštenarodna imovina sa 1/1

Član 2.

Javni konkurs će biti objavljen u sredstvima javnog informisanja (jedan od dnevnih listova) i ostaje otvoren 15 (petnaest) dana od dana objavljivanja.

Član 3.

Za provođenje konkursne procedure zadužuje se Komisija koju imenuje Općinski Načelnik.

Član 4.

Ova Odluka stupa na snagu danom objavljivanja u „Službenom glasniku Općine Lukavac“.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-1-621/09
Lukavac, 04.05.2009. godine

Na osnovu člana 6. Odluke o uslovima i načinu dodjele građevinskog zemljišta u državnom vlasništvu („Službeni glasnik Općine Lukavac“, broj: 2/04, 4/05, 7/05, 8/05 i 5/06) i člana 105. Statuta Općine Lukavac-prečišćeni tekst („Službeni glasnik Općine Lukavac“, broj: 5/08), Općinsko vijeće Lukavac na 8. redovnoj sjednici održanoj dana 30.04.2009. godine, d o n i j e l o j e

O D L U K U

o raspisivanju Javnog konkursa za dodjelu neizgrađenog građevinskog zemljišta u državnom vlasništvu radi građenja

Član 1.

Utvrđuje se potreba raspisivanja Javnog konkursa za dodjelu neizgrađenog gradskog građevinskog zemljišta na korištenje radi građenja stambeno-poslovnih objekata na nekretninama označenim kao:

- k.č. br. 737/1 zv. „Selimovo brdo“ šume 5.klase u površini od 78.385 m² i k.č.br.881/1 zv. „Selimovo brdo“ šume 5.klase u površini od 115.358 m² obje upisane u pl.br.417 k.o.Kruševica u posjedu Skupštine opštine Lukavac sa 1/1 (novi premjer), a što po starom premjeru čini nekretnine označene kao dio k.č.br.537 šuma „Sokolovac“ u površini od 62.700 m² i dio k.č.br.531/1 šuma Duga kosa i cerovi u površini od 212.544 m² obje upisane u zk.ul.br.340 k.o.Dobošnica Opštenarodna imovina 1/1.

Član 2.

Javni konkurs će biti objavljen u sredstvima javnog informisanja (jedan od dnevnih listova) i ostaje otvoren 15 (petnaest) dana od dana objavljivanja.

Član 3.

Za provođenje konkursne procedure zadužuje se Komisija koju imenuje Općinski Načelnik.

Član 4.

Ova Odluka stupa na snagu danom objavljivanja u „Službenom glasniku Općine Lukavac“.

**PREDSJEDAVAJUĆI
OPĆINSKOG VIJEĆA**

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj:01-02-1-778/09
Lukavac, 02.06.2009. godine

Na osnovu odredaba Zakona o izdavanju stanova u zakup („Službene novine TK“, broj: 7/04), člana 105. Statuta općine Lukavac - prečišćeni tekst („Službeni glasnik općine Lukavac“, broj: 5/08) i člana 88. Poslovnika o radu Općinskog vijeća („Službeni glasnik općine Lukavac“, broj: 5/06) Općinsko Vijeće Lukavac, na 9. redovnoj sjednici održanoj dana 29.05.2009. godine donijelo je

ODLUKU

o davanju u zakup stanova na kojima pravo raspolaganja
ima općina Lukavac

I-OPĆE ODREDBE

Član 1.

Ovom Odlukom se uređuju prava i obaveze u vezi sa zakupom i korištenjem stana, utvrđuje se sadržaj ugovora o zakupu stana, zakupnina, obaveze zakupodavca, obaveze zakupca, prestanak ugovora o zakupu stana, kao i ostala prava i obaveze koje se odnose na zakup stana.

Član 2.

Predmet zakupa po ovoj Odluci su stanovi koji nisu otkupljeni u propisanom roku, a na kojima pravo raspolaganja ima općina Lukavac.

Član 3.

Općinska služba nadležna za stambene poslove u ime općine Lukavac - zakupodavca zaključuje Ugovor o zakupu sa zakupcima, koji obavezno sadrži:

1. Ugovorne strane,
2. Opis stana, odnosno dijela stana koji se daje u zakup,
3. visinu zakupnine i način plaćanja,
4. vrstu troškova koji se plaćaju u vezi sa stanovanjem i način na koji će se plaćati,
5. podatke o licima koja će zajedno sa zakupcem koristiti stan,
6. vrijeme trajanje zakupa,
7. odredbe o održavanju stana,
8. odredbe o zajedničkoj upotrebi zajedničkih prostorija,
9. odredbe o primopredaji stana i
10. odredbe o otkazu i otkaznim rokovima.

Ugovor o zakupu se zaključuje na određeno ili neodređeno vrijeme u pisanoj formi, ali najmanje na jednu godinu, sa otkaznim rokom od tri mjeseca, uz mogućnost produženja uz saglasnost obje ugovorne strane.

II - ZAKUPNINA

Član 5.

Zakupnina koju plaćaju korisnici stanova koji su imali svojstvo nosioca stanarskog prava na istom stanu do stupanja na snagu Zakona o prodaji stanova na kojima su imali stanarsko pravo, a koji nisu podnijeli zahtjev za otkup stana ili je isti odbijen je zaštićena zakupnina.

Član 6.

Visina zaštićene zakupnine utvrđuje se u iznosu koji je za 50% uvećan u odnosu na iznos propisan članom 14. Zakona o korištenju, upravljanju i održavanju zajedničkih dijelova i uređaja zgrade („Službene novine TK“, broj: 7/00, 5/07), a ista iznosi po zonama :

1. (ZONA 1.)..... 0,45 KM/m² mjesečno
2. (ZONA 2.)..... 0,40 KM/m² mjesečno

Sredstva iz stava 1. ovog člana služe za podmirenje troškova održavanja zajedničkih dijelova i uređaja zgrada.

Član 7.

Zakupnina koju plaćaju korisnici stana koji nemaju svojstvo zaštićenog zakupca iznosi :

- (ZONA 1. - Grad - Centar I i II).....2,50 KM/m² mjesečno
(ZONA 2. - Ostalo područje općine)..... 1,50 KM/m² mjesečno.

Član 8.

Zakupnina iz člana 6. i 7. ove Odluke plaća se putem žiroračuna i izvorni je prihod općine Lukavac.

III - OBAVEZE ZAKUPODAVCA

Član 9.

Zakupodavac predaje zakupcu stan koji je uslovan za stanovanje, pri čemu se sačinjava zapisnik o primopredaji stana.

Zakupodavac je dužan investiciono održavati stan koji se daje u zakup, a isto tako može utvrditi i vlastite kriterije za izdavanje stana.

IV - OBAVEZE ZAKUPCA

Član 11.

Zakupac je dužan plaćati zakupninu i druge troškove tekućeg održavanja stana i zajedničkih dijelova i uređaja zgrade.

Član 12.

Zakupac je dužan čuvati stan od oštećenja, a isto tako ne smije vršiti prepravke u stanu bez saglasnosti zakupodavca.

Član 13.

Zakupac odgovara za štetu koju on ili korisnici stana prouzrokuju u stanu i zajedničkim dijelovima i uređajima zgrade.

U slučaju nastanka štete djelovanjem više sile, primjenjivat će se odredbe Zakona o održavanju zajedničkih dijelova i uređaja zgrade TK.

Član 14.

Zakupac je dužan nakon prestanka zakupa stan predati zakupodavcu u stanju u kojem ga je primio, uz obavezno sačinjavanje zapisnika o primopredaji.

V - PRAVA ZAKUPCA

Član 15.

Zakupac ima pravo upotrebe zajedničkih dijelova i uređaja zgrade, te pravo korištenja zemljištem koje služi zgradi.

VI - PRESTANAK UGOVORA O ZAKUPU STANA

Član 16.

Ugovor o zakupu stana prestaje:

- *po sili zakona*
- *po osnovu sporazuma ili otkaza i*
- *po osnovu raskida.*

Član 17.

Ugovor o zakupu stana prestaje po sili zakona ako se zgrada ili dio nje, u kojoj se nalazi stan mora rušiti na osnovu pravosnažne odluke nadležnog organa.

Član 18.

Ugovor o zakupu stana zaključen na neodređeno vrijeme prestaje sporazumom ili po osnovu otkaza.

Član 19.

Zakupodavac može otkazati ugovor o zakupu ukoliko zakupac stan koristi suprotno ugovoru o zakupu, a naročito:

- *ako zakupac redovno ne plaća zakupninu i druge obaveze,*
- *ako zakupac stan ili dio stana daje u podzakup bez dozvole zakupodavca,*
- *ako zakupac ometa druge korisnike stana,*
- *ako zakupac stan ne koristi za stanovanje i*
- *u drugim slučajevima koji su utvrđeni Zakonom o izdavanju stanova u zakupu stanova i u Zakonu o obligacionim odnosima.*

Zakupodavac ne može otkazati ugovor o zakupu ukoliko zakupcu ne odredi rok od 30 dana za otklanjanje razloga za otkaz.

Član 20.

Zakupodavac otkaz ugovora o zakupu stana daje u pisanoj formi. Otkazni rok traje najmanje mjesec dana, a ako nije precizirano ugovorom smatra se da iznosi tri mjeseca. Ukoliko zakupac ne iseli iz stana u otkaznom roku, zakupodavac podnosi tužbu nadležnom sudu za iseljenje zakupca.

Član 21.

Zakupodavac može raskinuti ugovor o zakupu ako:

- *zakupac ili drugi korisnik stana ne otkloni razloge iz člana 19. ove Odluke i*
- *zakupac vrši prepravke u stanu i zajedničkim dijelovima i uređajima zgrade bez saglasnosti zakupodavca.*

Zakupodavac raskida ugovor u pisanoj formi sa rokom iseljenja od najmanje 15 dana.

VII - PROMJENA UGOVORNIH STRANA

Član 22.

U slučaju smrti zaštićenog zakupca, prava i dužnosti prelaze na bračnog druga, a ako bračnog druga nema na dijete ili drugog korisnika stana, koji je naveden u ugovoru o zakupu. Rok za postizanje sporazuma o tome ko preuzima prava i obaveze iz ugovora o zakupu je 30 dana od smrti zakupca. Ako se ne postigne sporazum, zakupodavac može tražiti njihovo iseljenje iz stana.

VIII - OBNOVA UGOVORA NA ODREĐENO VRIJEME

Član 23.

Ugovor o zakupu, zaključen na određeno vrijeme, prestaje istekom vremena na koje je zaključen.

Član 24.

Ugovor o zakupu, sklopljen na određeno vrijeme, smatra se prešutno obnovljenim, na isto vrijeme trajanja, ukoliko u vremenu od 30 dana nakon isteka ugovorenog roka nijedna strana u pismenoj formi ne obavijesti drugu da želi produženje ugovora.

Ako zakupodavac želi produžiti ugovor, on je dužan o tome obavijestiti zakupca 30 dana prije isteka ugovora, a zakupac je dužan da se izjasni u roku od 15 dana od dana prijema obavijesti o tome da li prihvata ili ne prihvata produženje ugovora o zakupu, u suprotnom mu istekom ugovora prestaje zakup.

IX - PODZAKUP STANA ILI DIJELA STANA

Član 25.

Zakupac može dati u podzakup stan potpuno ili djelimično, isključivo uz saglasnost zakupodavca.

X - PRELAZNE I ZAVRŠNE ODREDBE

Član 26.

Danom stupanja na snagu ove Odluke, zatečeni korisnici stanova iz člana 5. ove Odluke, stižu prava i obaveze zaštićenog zakupca sa kim je zakupodavac dužan zaključiti ugovor o zakupu.

Član 27.

Pravo na zaštićenu zakupninu nema:

- *zakupac koji u stanu obavlja poslovnu djelatnost i*
- *zakupac koji u vlasništvu ima useljivu kuću ili stan.*

Član 28.

Lica iz člana 26. ove Odluke dužna su najkasnije u roku od 30 dana da podnesu zahtjev za zaključivanje ugovora o zakupu stana općinskoj službi nadležnoj za stambene poslove.

Član 29.

Nadzor nad sprovođenjem ove odluke vrši općinska služba nadležna za stambene poslove.

Član 30.

Ova Odluka stupa na snagu danom objavljivanja u „Službenom glasniku općine Lukavac“.

*PREDSJEDAVAJUĆI
OPĆINSKOG VIJEĆA*

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj:01-02-1-812/09
Lukavac, 02.06.2009. godine

Na osnovu člana 105. Statuta općine Lukavac-prečišćeni tekst („Službeni glasnik općine Lukavac“, broj: 5/08), Općinsko vijeće Lukavac, na 9. redovnoj sjednici održanoj dana 29.05.2009.godine, donijelo je:

ODLUKU
o izradi Strategije za mlade na lokalnom nivou

Član 1.

Općinsko vijeće Lukavac utvrđuje potrebu izrade dokumenta Strategija za mlade na lokalnom nivou kao plansko-razvojnog dokumenta općine Lukavac.

Član 2.

Općina Lukavac će u saradnji sa mladima općine Lukavac uz podršku Njemačkog društva za tehničku saradnju (GTZ-a), izraditi dokument „Strategija za mlade na lokalnom nivou“ i participiraće u smislu organizacijske podrške.

Član 3.

Ovlašćuje se Općinski načelnik da donesu potrebna akta, u svrhu kvalitetnije realizacije i provedbe procesa izrade dokumenta iz člana 1. ove odluke.

Član 4.

Po završetku procesa izrade dokumenta iz člana 1. ove Odluke, ista će biti dostavljena na usvajanje Općinskom vijeću.

Član 5.

Za realizaciju ove odluke zadužuje se Služba za opću upravu, privredu i društvene djelatnosti i Komisija za pitanja mladih, obrazovanje, kulturu i sport Općinskog vijeća Lukavac.

Član 6.

Odluka stupa na snagu danom objavljivanja u „Službenom glasniku općine Lukavac“.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-1-832/09
Lukavac, 02.06.2009.godine

Na osnovu člana 32. stav 1.tačka 4. Statuta općine Lukavac-Prečišćeni tekst („Službeni glasnik općine Lukavac“, broj: 5/06) i člana 8. Zakona o pripadnosti javnih prihoda na području Tuzlanskog kantona i finansiranju Tuzlanskog kantona („Službene novine Tuzlanskog kantona“, broj: 4/00, 3/01), Općinsko vijeće na 9. redovnoj sjednici održanoj dana 29.05.2009.godine, d o n i j e l o j e

O D L U K U
o dopuni Odluke o administrativnim taksama i tarifi općinskih
administrativnih taksi

Član 1.

U Odluci o administrativnim taksama i tarifi općinskih administrativnih taksi („Službeni glasnik Općine Lukavac“, broj: 8/04, 2/05 i 5/05), u tarifama općinskih administrativnih taksi: tarifni broj 9. iza stava 19. dodaje se novi stav 19a i glasi „Na zahtjeve za ovjeru cjenovnika i normativa u obavljanju ugostiteljske djelatnosti plaća se taksa u iznau od 10 KM.“

Član 2.

Ova Odluka stupa na snagu danom donošenja, a objavit će se u „Službenom glasniku općine Lukavac“.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-1-800/09
Lukavac, 02.06.2009. godine.

Na osnovu člana 4. i člana 21. Zakona o prometu nepokretnosti („Službeni list SR BiH“, broj: 38/78, 4/89, 29/90, 22/91 i 21/92 i „Službeni list R BiH“, broj: 3/93 i 18/94) i člana 105. Statuta općine Lukavac-prečišćeni tekst („Službeni glasnik općine Lukavac“, broj: 5/08) Općinsko vijeće na 9. redovnoj sjednici održanoj dana 29.05.2009. godine donijelo je

O D L U K U

o gubitku statusa javnog dobra u općoj upotrebi

Član 1.

Utvrđuje se da su izgubile status javnog dobra u općoj upotrebi nekretnine označene kao: k.č.br.257/32 zv. „Zgrada stara“ u površini od 143 m² i k.č.br.257/33 zv. „Zgrada stara“ u površini od 64 m² obje upisane u Iskaz II k.o. Bistarac, kao željezničke knjige (stari premjer), a po novom premjeru nose oznaku kao k.č.br. 2716/0 zv. „Dom zdravlja stara zgrada“ u površini od 143 m² i k.č. br.2715/0 zv. „Dom zdravlja stara zgrada“ u površini od 64 m², obje upisane u pl.br. 330 k.o. Lukavac, u posjedu Skupština opštine Lukavac sa 1/1.

Član 2.

Na osnovu ove Odluke Zemljišno-knjižni ured Lukavac Općinskog suda u Tuzli brisat će izvršeni upis zemljišta iz člana 1. ove Odluke i isto uknjižiti u odgovarajući zemljišno-knjižni uložak kao državnu svojinu sa pravom raspolaganja u korist Općine Lukavac.

Član 3.

Ova Odluka stupa na snagu narednog dana od dana objavljivanja u „Službenom glasniku Općine Lukavac“.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-31-1-298/09
Lukavac, 06.05.2009. godine.

Na osnovu člana 14. Zakona o eksproprijaciji („Službene novine FBiH“, broj: 70/07) i člana 105. Statuta općine Lukavac - prečišćeni tekst („Službeni glasnik općine Lukavac“, broj: 5/08), Općinsko vijeće na 8.redovnoj sjednici održanoj dana 30.04.2009.godine donijelo je

R J E Š E N J E

Utvrdjuje se da je od javnog interesa izmiještanje dijela dionice 35 KW dalekovoda TS 35/6 KW Šikulje 2 - TS 35/10/6KW Delića Potok i da se u tu svrhu može pristupiti nepotpunoj eksproprijaciji ustanovljenjem služnosti na slijedećim nekretninama:

1. dijelu k.č.br.10/0 zv. „Suvat“ voćnjaci 4.klase u površini od 668 m², upisana u pl.br.867 k.o.Lukavac, u posjedu Karahmetović (Ibriša) Age iz Lukavca (novi premjer), a što po starom premjeru odgovara nepokretnostima označenim kao dio k.č. br.923/1 oranica „Krčevina“ u površini od 3.860 m² i dio k.č.br.923/4 kuća i dvorište u površini od 650 m² obje upisane u zk.ul.br.1584 k.o. Lukavac zemljišno knjižno vlasništvo Društvena svojina 1/1-Narodni odbor opštine Lukavac.
2. dijelu k.č.br.24/1 zv. „Grmaljevac“ kuća i zgrada u površini od 100 m², njive 4.klase u površini od 10.592 m² i njive 5.klase u površini od 7.519 m², k.č.br.37/0 zv. "Grmaljevac" pašnjaci 3.klase u površini od 13.275 m² i k.č.br.38/0 zv."Grmaljevac" pašnjaci 3.klase u površini od 5.056 m² sve upisane u pl.br.964 k.o. Lukavac u posjedu Kovačević (Muje) Mustafe iz Lukavca ul.Tuzlanskog odreda br.65 (novi premjer), a što po starom premjeru odgovara nekretninama označenim kao k.č. br.878/2 oranica „Lug“ u površini od 1.150 m², k.č.br.881 oranica „Gložik“ u površini od 6.190 m², dio k.č.br.925 livada „Jovino kućište“ u površini od 2.560 m², dio k.č. br.921/1 oranica „Gložik“ u površini od 3.400 m², dio k.č. br.921/2 krilo željezničke pruge u površini od 6.120 m², k.č.br.918 oranica „Gložik“ 10.050 m² i k.č.br.920 krilo željezničke pruge u površini od 2.010 m² sve upisane u zk.ul.br.493 k.o. Lukavac, zemljišno knjižno vlasništvo Zilhe Kovačević ud.Musić iz Tuzle sa 7/72 i drugi, k.č.br. 880 oranica „Krčevina“ u površini od 4.048 m² upisana u zk.ul. 1760 k.o. Lukavac zemljišnoknjižno vlasništvo Nure Kovačević rod. Morankić iz Lukavca sa 1/24 i drugi.
3. dijelu k.č.br. 31/0 zv."Suvat" njive 5. klase u površini od 7.625 m² upisane u pl.br.894 K.O. Lukavac u posjedu Karahmetović (Omera) Salke iz Lukavca ul Tuzlanskog odreda 49. (novi premjer), a po starom premjeru odgovara nekretnini označenoj kao dio k.č.br.923/2 oranica „Krčevina“ u površini od 7.900 m² upisana u zk.ul.br.590 K.O. Lukavac, zemljišno knjižno vlasništvo Karahmetović Salke umr.Omera iz Crvenog Brda sa 1/6 i drugi.
4. dijelu k.č.br. 34/0 zv."Suvat" pašnjaci 3. klase u površini od 1.438 m² upisana u pl.br. 3081 k.o. Lukavac u posjedu Karahmetović (Juse) Mehmeda iz Lukavca-Donje Crveno Brdo sa 1/1 (novi premjer), a po starom premjeru odgovara nekretnini označenoj kao dio k.č.br.922/1 šuma „Krčevina“ u površini od 4.300 m² upisana u zk.ul.br.590 k.o. Lukavac, zemljišno knjižno vlasništvo Karahmetović salke umrl.Omera iz Crvenog Brda sa 1/6 i drugi.

5. dijelu k.č.br. 35/0 zv."Suvat" pašnjaci 3. klase u površini od 3.094 m² upisana u pl.br.868 K.O. Lukavac u posjedu Karahmetović (Ibriša) Age iz Lukavca ul.Tuzlanskog odreda 2 i Karahmetović (Sulejmana) Devlete iz Lukavca ul.Tuzlanskog odreda 27 sa po 1/2 (novi premjer), a po starom premjeru odgovara nekretnini označenoj kao k.č.br. 922/2 šuma zv."Krčevina" u površini od 2.900 m² upisana u zk.ul.br.1584 k.o. Lukavac, zemljišno knjižno vlasništvo Društvena svojina 1/1.
6. dijelu k.č.br. 36/0 zv."Trnjak" šume 3. klase u površini od 2.979 m² upisane u pl.br. 865 k.o. Lukavac u posjedu Karahmetović (Avde) Ađula iz Lukavca ul.Tuzlanskog odreda 26 sa 1/1 po novom premjeru, a po starom premjeru odgovara nekretnini označenoj kao k.č.br. 922/3 šuma zv. „Krčevina" u površini od 2.900 m² upisana u zk.ul.br.1585 k.o. Lukavac, zemljišno knjižno vlasništvo Karahmetović Ađula umrl.Avde iz Lukavca sa 1/1
7. dijelu k.č.br. 3136/0 zv. „Utrna" njive 5.klase u površini od 4.135 m² upisana u pl.br.862 K.O. Lukavac, u posjedu Kahrić (Hasana) Salke iz Lukavca ul.Tuzlanskog odreda 8. sa 1/1 po novom premjeru, a po starom premjeru odgovara nekretnini označenoj kao dio k.č.br.907/6 oranica zv. "Utrina" u površini od 3.980 m², upisana u zk.ul.br. 187 k.o. Lukavac, zemljišno knjižno vlasništvo Kahrić Alije umrl.Osmana iz Lukavca sa 15/224 i drugi
8. dijelu k.č.br. 3272/0 zv."Utrna" njive 5.klase u površini od 5.448 m², upisana u pl.br.2219 k.o. Lukavac u posjedu Ijazović (Rašida) Rabije r.Demirović iz Tuzle ul.Titova br.203 sa 1/1 po novom premjeru, a po starom premjeru odgovara nekretnini označenoj kao k.č.br.914/1 oranica „Utrina" u površini od 5.110 m² upisane u zk.ul.br.1602 k.o. Lukavac, zemljišno knjižno vlasništvo Ijazović Jusufa sina Jusufa iz Lukavca sa 1/1.
9. dijelu k.č.br.3279/2 zv."Utrna" njive 5.klase u površini od 7.161 m² upisana u pl.br.757 k.o.Lukavac u posjedu Alihodžić (Jusufa) Habibe r.Imamović iz Tuzle ul.Rudnička b.b., Imamović (Jusufa) Huseina iz Lukavca ul.Mehe Tubića 152 A, Imamović (Jusufa) Muhameda iz Lukavca ul.Mehe Tubića i Morankić (Jusufa) Nihade r.Imamović iz Lukavca ul.Rudnička b.b. sa dijelom posjeda od po % (novi premjer) a što po starom premjeru odgovara nekretnini označenoj kao dio k.č.br.900 oranica „Utrina" u površini od 16.200 m² upisana u zk.ul.br. 1008 k.o.Lukavac, zemljišno knjižno vlasništvo Fatime Imamović r.Huseinović iz Lukavca sa 1/1.
10. dijelu k.č.br. 3280/1 zv."Bašča" njive 5.klase u površini od 2.391 m² upisana u pl.br.2612 k.o.Lukavac u posjedu Suljkanović (Juse) Reše iz Gornjeg Crvenog Brda sa 1/1 (novi premjer) a što po starom premjeru odgovara nekretnini označenoj kao dio k.č.br.902/2 oranica „Bašča" u površini od 4.920 m² upisana u zk.ul.br. 1449 k.o.Lukavac, zemljišno knjižno vlasništvo Avdić Avde sina Mehmeda iz Lukavca sa 1/2 i drugi.
11. dijelu k.č.br.3280/2 zv."Bašča" njive 5.klase u površini od 2.316 m² upisana u pl.br.1793 k.o.Lukavac u posjedu Suljkanović (Juse) Abdulaha iz Lukavca ul.Tuzlanskog odreda b.b. sa 1/1 (novi premjer) a što po starom premjeru odgovara nekretnini označenoj kao dio k.č.br.902/2 oranica „Bašča" u površini od 4.920 m² upisana u zk.ul.br.1449 k.o.Lukavac, zemljišno knjižno vlasništvo Avdić Avde sina Mehmeda iz Lukavca sa 1/2 i drugi.
12. dijelu k.č.br.3280/3 zv."Bašča" njive 5.klase u površini od 1.129 m² upisana u pl.br.4002 k.o.Lukavac u posjedu Suljkanović (Juse) Halida iz Lukavca sa 1/1 (novi premjer) a što po starom premjeru odgovara nekretnini označenoj kao dio k.č.br.902/2 oranica „Bašča" u površini od 4.920 m² upisana u zk.ul.br.1449 k.o.Lukavac, zemljišno knjižno vlasništvo Avdić Avde sina Mehmeda iz Lukavca sa Vž i drugi

13. dijelu k.č.br.3281/0 zv."Bašča" njive 5.klase u površini od 5.571 m² upisana u pl.br. 1117 k.o.Lukavac u posjedu Mehić (Abdurahmana) Maide iz Lukavca ul.Pionirska 2 i Mehić (Abdurhmana) Edina iz Lukavca ul.Pionirska 2 sa dijelom posjeda od po 14 (novi premjer) a što po starom premjeru odgovara nekretnini označenoj kao k.č.br.902/1 oranica „Bašča" u površini od 4.920 m² upisana u zk.ul.br.1449 k.o.Lukavac, zemljišno knjižno vlasništvo Avdić Avde sina Mehmeda iz Lukavca sa 1/2 i drugi.

Obrazloženje

Službi za urbanizam, prostorno planiranje, geodetske i imovinsko-pravne poslove općine Lukavac obratili su se Rudnici „Kreka" u Tuzli d.o.o. -generalna direkcija- sa Prijedlogom za utvrđivanje općeg interesa broj: 298/09 od 04.02.2009.godine, za izmiještanje dijela dionice 35 KW dalekovoda TS 35/6 KW Šikulje 2 - TS 35/10/6KVV Delića Potok i da se u tu svrhu može pristupiti nepotpunoj eksproprijaciji ustanovljenjem služnosti na dijelu nepokretnosti opisanih u tački 1 do 13 dispozitiva, navodeći da je to potrebno zbog ugroženosti od napredovanja rudarskih radova (I Etaža), a sve zbog blagovremenog obezbjeđenja glavnog napajanja Površinskih kopova „Crveno Brdo" i „Lukavačka Rijeka" i rezervno napajanje za rudnike sa podzemnom eksploatacijom, s tim što će se konačna površina zemljišta na kome se ustanovljava služnost odrediti u postupku eksproprijacije, a po pravosnažnosti ovog rješenja. Uz prijedlog je korisnik eksproprijacije priložio fotokopiju dopisa „Elektrodistribucije" Tuzla u vezi usaglašavanja uslova za izmiještanje dionice DV 35 KV „Šikulje II-Delića Potok i saglasnost „Elektrodistribucije" Tuzla na projektnu dokumentaciju i izvođenje radova po projektu. Iz pismenog prijedloga se zaključuje da je ovaj predmet od javnog interesa i da je potrebno izvršiti nepotpunu eksproprijaciju ustanovljenjem služnosti na naprijed navedenim dijelovima nekretnina.

Na osnovu gore izloženog odlučeno je kao u dispozitivu ovog rješenja.

Protiv ovog Rješenja ne može se izjaviti žalba, ali se može pokrenuti upravni spor, podnošenjem tužbe kod Kantonalnog suda u Tuzli, u roku od 30 dana od dana dostavljanja Rješenja. Tužba se podnosi neposredno sudu.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj:01-05-694/09
Lukavac, 06.05.2009.godine

Na osnovu člana 105. Statuta općine Lukavac – prečišćeni tekst („Službeni glasnik općine Lukavac“, broj: 5/08), a u vezi sa članom 20. Etičkog kodeksa izabranih zvaničnika općine Lukavac („Službeni glasnik Općine Lukavac“, broj: 8/05 i 2/09), Općinsko vijeće Lukavac na 8. sjednici održanoj dana 30.04.2009.godine
d o n i j e l o j e

R J E Š E N J E
o imenovanju članova Etičkog odbora

I

Za praćenje rada, nadzor ponašanja izabranih zvaničnika i rješavanje prijava u vezi kršenja odredaba Etičkog kodeksa izabranih zvaničnika općine Lukavac imenuje se Etički odbor u sastavu:

- 1. Aganović Rasim..... predsjednik*
- 2. Musić Marinela.....član*
- 3. Likić Mirsada.....član*
- 4. Karić Mirsada.....član*
- 5. Damadžić Mehmed...član*
- 6. Tomić Dragan.....član*
- 7. Huskić Zarfa.....član*

II

Mandat članova Etičkog odbora vezan je za mandat saziva Općinskog vijeća

III

Rješenje proizvodi pravno dejstvo danom donošenja, a objavit će se u „Službenom glasniku općine Lukavac“.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj:01-05-695/09

Lukavac, 06.05.2009.godine

Na osnovu člana 10. Zakona o porezu na promet nepokretnosti i prava („Službene novine TK“, broj: 11/01) i člana 105. Statuta općine Lukavac – prečišćeni tekst („Službeni glasnik općine Lukavac“, broj: 5/08), Općinsko vijeće Lukavac na 8. sjednici održanoj 30.04.2009.godine donijelo je

R J E Š E N J E

o imenovanju Komisije za procjenu vrijednosti nepokretnosti i prava

I

U Komisiju za procjenu vrijednosti nepokretnosti i prava, imenuju se:

- | | |
|-------------------------------------|-------------------------------|
| 1. Kovačević Muhamed....predsjednik | 12. Dautović Adi.....član |
| 2. Turkić Amir.....član | 13. Tunjić Vedran.....član |
| 3. Begić Tahir.....član | 14. Fajić Mefail.....član |
| 4. Ajanović Aldina.....član | 15. Dautović Fahrudin...član |
| 5. Ejubović Rasim.....član | 16. Mujić Ibrahim.....član |
| 6. Voloder Enisa.....član | 17. Džaković Vesna.....član |
| 7. Mujačić Nusretčlan | 18. Ejubović Nusmir.....član |
| 8. Ibrišimović Denisa.....član | 19. Beganović Ejub.....član |
| 9. Numanović Asmir.....član | 20. Halilović Ademir.....član |
| 10. Hodžić Amir.....član | 21. Bajrić Suad.....član |
| 11. Kuduzović Amira.....član | |

II

Mandat Komisije traje 2 godine.

Članovi Komisije za svoj rad imaju pravo na naknadu, a iznos naknade i način isplate utvrđuje svojom odlukom općinski načelnik.

III

Ovim rješenjem stavljaju se van snage rješenja broj 01-05-1913/05 od 01.07.2005.godine, 01-05-1913-2/05 i 01-05-1913-4/05 od 29.02.2008. godine i 01-05-1913-5/05 od 29.07.2008. godine.

IV

Ovo rješenje proizvodi pravno dejstvo danom donošenja, a objavit će se u „Službenom glasniku općine Lukavac“.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-699/09
Lukavac 06.05.2009.godine

Na osnovu člana 12. Zakona o ministarskim, vladinim i drugim imenovanjima FBiH („Službene novine F BiH“, broj: 12/03) i člana 105. Statuta općine Lukavac – prečišćeni tekst („Službeni glasnik općine Lukavac“, broj: 05/08), Općinsko vijeće Lukavac na 8. redovnoj sjednici održanoj dana 30.04.2009.godine, donijelo je

R J E Š E N J E
o imenovanju predsjednika i članova Upravnog odbora
javnog preduzeća Veterinarska stanica Lukavac

I

Za predsjednika i članove Upravnog odbora JP Veterinarska stanica Lukavac imenuju se slijedeća lica

1. Arapčić Mirsadapredsjednik
2. Sinanović Nihadačlan
3. Dragan Todorovićčlan.

II

Mandat članova Upravnog odbora traje 4 godine.

III

Ovo rješenje proizvodi pravno dejstvo danom donošenja, a objavit će se u „Službenom glasniku Općine Lukavac“ i „Službenim novinama F BiH“.

IV

Protiv ovog rješenja prigovor može uputiti bilo koji član javnosti.
Prigovor se podnosi odgovornom javnom službeniku- Općinskom vijeću, a kopija prigovora ombudsmenu za ljudska prava F BiH.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-698/09
Lukavac 06.05.2009.godine

Na osnovu člana 53.b. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine TK“, broj: 12/00, 5/02, 13/03 i 8/06), člana 12. Zakona o ministarskim, vladinim i drugim imenovanjima FBiH („Službene novine F BiH“, broj: 12/03) i člana 105. Statuta općine Lukavac – prečišćeni tekst („Službeni glasnik općine Lukavac“, broj: 05/08), Općinsko vijeće Lukavac na 8. redovnoj sjednici održanoj dana 30.04.2009.godine, donijelo je

R J E Š E N J E
*o imenovanju predsjednika i članova Upravnog odbora
Javne ustanove Centar za socijalni rad Lukavac*

I

Za predsjednika i članove Upravnog odbora JU Centar za socijalni rad Lukavac imenuje se slijedeća lica

- 1. Dautović Azizpredsjednik*
- 2. Biković Mehmed.....član*
- 3. Atić Almedina.....član.*

II

Mandat članova Upravnog odbora traje 4 godine računajući od dana izvršenog imenovanja.

III

Ovo rješenje proizvodi pravno dejstvo danom donošenja, a objavit će se u „Službenom glasniku Općine Lukavac“ i „Službenim novinama F BiH“.

IV

*Protiv ovog rješenja prigovor može uputiti bilo koji član javnosti.
Prigovor se podnosi odgovornom javnom službeniku- Općinskom vijeću, a kopija prigovora ombudsmenu za ljudska prava F BiH.*

**PREDSJEDAVAJUĆI
OPĆINSKOG VIJEĆA**

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj:01-05-1703-3/08
Lukavac, 04.05.2009.godine

Na osnovu člana 35. Statuta općine Lukavac – prečišćeni tekst („Službeni glasnik općine Lukavac“, broj: 5/08), člana 26. Poslovnika o radu Općinskog vijeća Lukavac („Službeni glasnik općine Lukavac“, broj: 5/06), Općinsko vijeće Lukavac na 8. sjednici održanoj dana 30.04.2009. godine d o n i j e l o j e

R J E Š E N J E
o razrješenju člana Komisije za Statut i
propise, predstavke i zaštitu prava i sloboda građana

I

Razrješava se dužnosti člana Komisije za Statut, propise, predstavke i zaštitu prava i sloboda građana Bajrić Suad.

II

Rješenje proizvodi pravno dejstvo danom donošenja, a objaviti će se u „Službenom glasniku općine Lukavac“.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj:01-05-1703-4/08
Lukavac, 04.05.2009.godine

Na osnovu člana 35. Statuta općine Lukavac – prečišćeni tekst („Službeni glasnik općine Lukavac“, broj: 5/08), člana 26. Poslovnika o radu Općinskog vijeća Lukavac („Službeni glasnik općine Lukavac“, broj: 5/06), Općinsko vijeće Lukavac na 8. sjednici održanoj dana 30.04.2009. godine d o n i j e l o j e

R J E Š E N J E
o imenovanju člana Komisije za Statut i
propise, predstavke i zaštitu prava i sloboda građana

I

Za člana Komisije za Statut, propise, predstavke i zaštitu prava i sloboda građana imenuje se Bečić Admira.

II

Rješenje proizvodi pravno dejstvo danom donošenja, a objaviti će se u „Službenom glasniku općine Lukavac“.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-870/09
Lukavac, 02.06.2009.godine

Na osnovu člana 105. Statuta općine Lukavac – prečišćeni tekst („Službeni glasnik općine Lukavac“, broj: 05/08), člana 50. stav 4. Zakona o zdravstvenoj zaštiti („Službene novine F BiH“, broj: 29/97), člana 4. tačka 2. Zakona o ministarskim, vladinim i drugim imenovanjima FBiH („Službene novine F BiH“, broj: 12/03) i Prijedloga Ministarstva zdravstva TK broj: 13/1-01-34-7837/09 od 08.05.2009. godine, Općinsko vijeće Lukavac na 9. redovnoj sjednici održanoj dana 29.05.2009. godine **d o n i j e l o j e**

R J E Š E N J E

o imenovanju članova Upravnog odbora JZU Dom zdravlja Lukavac

I

Za članove Upravnog odbora JZU Dom zdravlja Lukavac, imenuju se

1. Hamzić Edin,predsjednik
2. Hodžić Amira,član
3. Sakić Mihađ,član
4. Kehonjić dr. Enesa član
5. Dr.Mujić Nevzet član

II

Mandat članova Upravnog odbora, osim dr.Mujić Nevzeta koji se imenuje na 2 (dva) mjeseca, je 4 (četiri) godine.

III

Ovo rješenje proizvodi pravno dejstvo danom donošenja, a isto će biti objavljeno u „Službenom glasniku općine Lukavac“ i „Službenim novinama F BiH“.

**PREDSJEDAVAJUĆI
OPĆINSKOG VIJEĆA**

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinski načelnik

Broj: 02-02-1-108/09-1
Lukavac, 06.04.2009.godine

Na osnovu člana 143. stav 3. Zakona o radu („Službene novine F BiH“, broj: 43/99, 32/00 i 29/03) i člana 41. Statuta općine Lukavac – prečišćeni tekst („Službeni glasnik općine Lukavac“, broj: 5/08), općinski načelnik donosi

O D L U K U
o izmjenama i dopunama Odluke o utvrđivanju visine naknade
plaće uposlenika za vrijeme čekanja posla

Član 1.

U Odluci o utvrđivanju visine naknade plaće uposlenika za vrijeme čekanja posla, broj: 02-02-1-108/09 od 21.01.2009.godine, u članu 2., dodaje se stav 2. i glasi:

„Obračun doprinosa za penzijsko-invalidsko osiguranje uposlenika koji je stekao status uposlenika na čekanju posla vršit će se primjenom osnovice iz člana 1. Odluke o najnižoj plaći za zaposlenike („Službene novine F BiH“, broj: 48/99)“.

Član 2.

Za realizaciju ove Odluke zadužuje se Služba za budžet i finansije.

Član 3.

Ova Odluka stupa na snagu danom donošenja, a objavit će se u „Službenom glasniku općine Lukavac“.

OPĆINSKI NAČELNIK

Dževad Mujkić, dipl. pravnik sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinski načelnik

Broj: 02-02-577/09
Lukavac, 13.04.2009.godine

Na osnovu člana 41. Statuta općine Lukavac – prečišćeni tekst („Službeni glasnik općine Lukavac“, broj: 5/08), člana 4. Odluke o broju i djelokrugu rada savjetnika općinskog Načelnika, broj: 02-02-1-1351/06 od 22.06.2006.godine i člana 1. Odluke o izmjenama i dopunama Odluke o broju i djelokrugu rada savjetnika općinskog Načelnika, broj: 02-02-1-135/09 od 26.01.2009.godine, općinski Načelnik donosi

R J E Š E N J E
o imenovanju Savjetnika Načelnika općine Lukavac

Član 1.

Za Savjetnika općinskog Načelnika, za oblast obnove i razvoja, imenuje se Fikret Plavšić, dipl.ing.maš., sa 14.04.2009.godine, a najduže do isteka mandata Općinskog načelnika.

Član 2.

Koeficijent za obračun plaće imenovanog iznosi 3,80, a primjenjivat će se od dana imenovanja.

Član 3.

Ovo rješenje stupa na snagu danom donošenja, a objavit će se u „Službenom glasniku općine Lukavac“.

OPĆINSKI NAČELNIK

Dževad Mujkić, dipl. pravnik sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinski načelnik

Broj: 02-05-901/09
Lukavac, 04.06.2009.godine

Na osnovu člana 3. stav 3. Odluke o utvrđivanju uslova i kriterija za imenovanje na pozicije u regulirane organe („Službeni glasnik općine Lukavac“, broj: 6/04), Načelnik općine Lukavac donosi

R J E Š E N J E
o imenovanju Komisije za izbor Općinskog pravobranioca

I

Imenuje se Komisija za izbor Općinskog pravobranioca (u daljem tekstu: Komisija), po raspisanom Javnom oglasu objavljenom u „Službenim novinama F BiH“, broj 33/09 od 13.05.2009.godine u sljedećem sastavu:

1. Sejdinović Amir, predsjednik
2. Salihović Derva, član
3. Bajrić Izeta, član
4. Dugonjić Jasminka, član
5. Spahić Hajrudin, član

II

Zadatak Komisija iz tačke I ovog rješenja je da pregleda pristigle prijave na raspisani Javni oglas, utvrdi ispravnost istih i dostavi listu kandidata Općinskom vijeću na dalji postupak imenovanja Općinskog pravobranioca.

III

O utvrđenoj listi svih kandidata Komisija će sastaviti zapisnik koji će zajedno sa ostalim aktima koji se odnose na provođenje Javnog oglasa dostaviti Općinskom vijeću.

OPĆINSKI NAČELNIK

Dževad Mujkić, dipl. pravnik sr.

SLUŽBENI GLASNIK OPĆINE
L U K A V A C

Broj:4/09

Izdaje: Općina Lukavac

Uređuje: Stručna služba Općinskog vijeća

Urednik: Sekretar Općinskog vijeća Izeta Bajrić

Tiraž: 75 primjeraka

Adresa: Općina Lukavac, Općinsko vijeće

Telefon – fax: 553-253

Službeni glasnik izdaje se po potrebi